



PERUTUSAN PRESIDEN LEMBAGA PENILAI, PENTAKSIR, EJEN HARTA TANAH DAN PENGURUS HARTA (LPPEH) SEMPENA HARI RAYA AIDILFITRI 1441H



Bismillahirrahmanirrahim.

Assalamu'alaikum wa rahmatullahi wa barakatuh dan salam sejahtera.

Pada tahun ini ketibaan Syawal tidak disambut seperti biasa. Tiada perhimpunan besar diadakan dalam situasi semasa penularan wabak COVID-19. Kita harus mematuhi perintah kawalan pergerakan yang disaran oleh kerajaan bagi memutuskan rangkaian Covid-19.

Dengan trend kes dunia sedia ada, wabak COVID-19 dijangka akan berterusan untuk tempoh masa yang agak lama. Ia tidak akan berakhir dalam jangka waktu yang terdekat.

Saya juga ingin menzahirkan ucapan terima kasih dan tahniah kepada semua petugas barisan hadapan yang telah banyak berkorban sepanjang tempoh dua tiga bulan ini untuk memastikan semua rakyat Malaysia terselamat daripada wabak COVID 19. Mereka bersama ribuan petugas di seluruh negara adalah wira negara. Pengorbanan mereka cukup besar dan tidak ternilai harganya.

Saya menyeru kepada semua rakyat Malaysia khususnya kepada mereka di bawah bidang Penilai, Pentaksir, Ejen Harta Tanah dan Pengurus Harta yang berdaftar bersama LPPEH agar sentiasa berdisiplin mematuhi arahan PKP dan PKPB bagi memudahkan para petugas barisan hadapan menangani krisis ini.

Hasil daripada usaha bersungguh-sungguh yang dilakukan oleh para petugas barisan hadapan dan disiplin saudara-saudari sepanjang tempoh PKP dan PKPB dilaksanakan, kita telah berjaya menjadikan hampir seluruh mukim atau zon di negara kita berstatus hijau.

Akhir kata, kepada seluruh warga Malaysia yang beragama Islam, saya ingin mengucapkan Selamat Hari Raya Aidilfitri, Maaf Zahir Batin dari Lembaga Penilai, Pentaksir, Ejen Harta Tanah dan Pengurus Harta (LPPEH)

Ingat, duduk di rumah adalah langkah terbaik untuk mengekang Covid-19.

YBRS. SR HJ A'ZMI BIN ABDUL LATIF

Presiden

LEMBAGA PENILAI, PENTAKSIR, EJEN HARTA TANAH
DAN PENGURUS HARTA